

## Der erst taylor.

darauß mach ein voreffen schön gesotten in wein / vnnnd abgemacht als ander visch / gegilbt vnd gewürzt / versuch es an dem saltz / vnnnd trag es für / das seind zwey essen gar höflich von vischen gegeben.

### ¶ Das fünfft Capitel.

¶ Item wiltu machen dreyerley essen von einem visch / das doch der visch nach geduncken gantz bleyß. Schlag einen Hecht oder sunst ein andern visch schön bereyt in drey oder vier teyl. Das erst teyl leg auff einen rost vnd brat das. Das ander teyl seud mit wein ab vnd würtz. Das drit gesulzt. Das vierdt der schwantz gebachen / vñ der visch sol zusammen gelegt werden / yedes stück nacheinander / als ob er gantz sey. Das haubt zu dem ersten / darnach das mittel stück / vñ darnach den schwantz / gerad an einander / vnnnd mit gehacktem Peterlein wol besstrewet / vñ dar gesetzt. Darbey sol gesetzt werden gute salsen oder essig in kleine schüssel ein / so ist ein gast anders dan der ander / vñ ist selzam.

### ¶ Das sechst Capitel.

¶ Item ein meysterliche Galrat vber visch / als die Salm vnd ander groß Reinfisch. Die visch mach zu gutten stücken / spiß ye zwey oder drey stück an ein hülzlin spißlein / vñ seud die also ab mit wein vñ essig saltz vnd würtz / behalt die Brü als vor geschuhen steet. Bee das brot vñ thu im also vor. Wer das die Galradt zu dünn würd. So nym lorber pletter oder die schaln / oder auff ein halbe lorber / vnd stoß sie mit dem gebeten brot / mit der Brü treyß das durch / vnd temperier es / vnd versuch es ob es recht gemacht sey / mit würtzen vñ saltz / leg dan die fisch stück ein / vnd schüt die galradt vber vnd laß gesteen. Wilt du gern so see aber Ingeber darüber / oder zimet oder muscat plüt / vnd gib es.

### ¶ Das sibent Capitel.

¶ Item gesulzt fisch bereyt also / im sumer so sie doch nit gern gesteeet. Wenn du die fisch bereytest / so behalt den schweyß vnd die schuppen vñ grad / thu es in einen hasen / vñ seud es mit wein / schaum es schön vnd schüt es in einen möiser / stoß es wol vnd streichs durch ein tuch mit seiner eygnen Brü. Darinn es gesoten ist / ein lorberlat darinne gestossen vnd durch getriben so gestet es / leg die fisch ein als vil du wilt so sie schon gesotten sein. Nim dan die fisch Brü / thu die schuppen Brü